

40
Felicitati perpetuæ

Paris lectissimi :

Viri Nobiliss. Consultiss. & Excellentiss.

DN. WERNERI THEODORI
MARTINI, J. U. D.

& Profess. Publ. in celeberrimâ Academiâ
Witebergenfi, longè dignissimi,
&c.

SPONSI,

&

Virginis omnigenâ Virtutum Laude cumulatissimæ,

MAGDALENÆ SIBYLLÆ,

VIRI

Reverendissimi, Nobiliss. Magnifici ac Excellentissimi,

DN. JACOBI WELLERISS. Th. D.

celeberrimi, & de Ecclesiâ Christianâ longè meritis-

simi, Hereditarii in Karsdorff &c. Serenis. Elect. Saxon.

à Concionibus Aulicis Primariis, Confessionibus
Sacris & Consiliis Ecclesiasti-

cis, &c.

Filiæ dilectissimæ, SPONSÆ:

Festivam Nuptiarum Solennitatem,

ad d. 17. Nov. A. O. R. 1662.

Feliciter in Electorali Dresdâ celebrantis,

Sacrum.

E Typographico Bergeniano.

DR. WERNER THEODOR
MAGDALENE BIBLIE



1018412

2118101

Wydawnictwo Biblioteczne



Ad
recens
Conjuges Affines
in oculis.

Quæ nos Welleri. Patris benedictio ditat,
Non minùs in vestrum depluat *Illa* finum!

ΘΕΟΒΕΥ
ΠΡΟΣΕΥΧΟΜΕΝΟ

Sebastianus Gottfried Starck!

SS. Theol. Doctor, Pastor &
Superintendens,

Freiberga- Hermundurorum

d. X. Novembr.

ante quinquennium

Lubentiis nostris Gamicis
facro.

Dum conjugali studeo adesse gaudio,
Vostisque, VIR DËO, interesse nuptiis,
Dilecte; Corporis quidem mole prohibeor
Ob arcta, quæ premunt volentem, munera,
Votò unicè simul & precibus appareo:
Benè respiciat Utrumquè Conjugem Deus!
Det corpori ac animæ salutem omnimodam:
Parentibus donet senile Gaudium!

Vovit seriò

Johannes Dürrius, SS. Th. D.

Votum

Votum Nuptiale
Dn. VVernero-Theodoro Martini, f. U. D.
clarissimo,

⁊
Magdalena Sibyllæ VVelleriæ,
Virgini Lectissima, Sponsis Nobilissimis
transmissum.

THeiologo genitam excellenti, Mystra Themistos
Fœdere ⁊ unanimi jungit amore sibi.
Juraq; sic parili cœunt civilia nexu
cum sacris: superest diffidiq; nihil.
Perpetuò hæc maneant ut fœdera firma, JEHOVA
Faxit, ⁊ omnigenâ prosperitate beet!
Prole domum repleat dulci: nil desit honoris:
Adsit opum cumulus: Parcaq; parcat atrox!
Nestoreos vivat cum Sponsâ Sponsus in annos:
Florida sic stabit Welleriana Domus!

d. n. Nov. Anno 662.

à L. Zachariâ Schneidern /
Electoralis Scholæ, & Reip. Misenensis
Medico Ordinario, & Exconsule.

Ad Excellentissimum
Dominum SPONSUM.

MAGDALIN, è Magni VVELLERI stirpe, SIBYLLAM
Dulcis, in amplexûs accipe, SPONSE, Tuos:
Virtuti, simul Hæc dederis, dabis oscula cuncta,
Et TIBI in HAC virtus oscula cuncta dabit.
Quin pax, alma salus, stirps longa, reciprocus ardor
Oscula aliis sument, oscula aliisq; ferent:

Atq;

*Atq; per innumeras JOVE BENEDICTIO aristas
Oscula TUÆ SPONSÆ, SPONSE, TIBIq; feret.*

Fridericus Starck/
Archi-Diaconus Freib.

CEU, SPONSE, divos flamines inter suos
Te diva divi Juris interpres Themis
Recepit olim, consili quò viribus
Et luce mentis innocentibus metum.
Dempsisse possis, & reos tutarier:
Sic, SPONSE, castos flamines inter suos
Te casta casti Amoris interpres Venus
Nunc recipit, aptum Præmium quò post graves
Operum labores atq; Recreamina.
Habeas amantis in sinu WELLERÆ.
Utrumq; grator. *Debito moderamine*
Et Hac & Illa temperet feliciter
Quicquid diurnus atq; nocturnus facis.

M. GABRIEL SCHLEIFFENTAGIUS,
Freibergæ ad S. Petri Ecclesiastes Primarius
& Reverendi Ministerii Senior.

STEmma Viri justi benedictum, *regius infic*
Psaltes; WELLERUS regia dicta probat,
Stemmatis exemplo benedicti; *Tertia namq;*
Fæcundò ut Patrem germine reddat avum,
Filia justa Patris justis datur ecce marito
In justum justo, justa marita, torum.
Quid nos? ductorum hac benedictio dia perennes
Istorum, unanimes consona vota damus,

Sit benedicta domus Welleria, sanguine quotquot
Tam justò exsurgunt germina, Jova beet!

Subjectissima devotionis

τιμίου δλοκάστου

Ottonis Benewizens Freib.

ad D. Nicol. in Patr. Ecclesiastæ.

SAt rostris, Themidiq; datum; nil litibus ultrà
Est opus, aut querulò nunc, THEODORE, forò.
Nil nisi mite decet Sponsos, prescribat Adonis,
Qua placeant Nuptæ mollia jussa Tuæ,
Cæsareæ sileant voces: procul ite severi,
Nomina per terras imperiosa, Duces,
Non agitur jam causa rei, non scena clienti
Panditur, aut dubium disputat Aula nefas.
Certè alium Virgo Te Welleriana salutat,
Quæ Paphiæ Tecum fœdera pacis amat.
Lex amor est, Lex cura tori, Lex cura nepotum,
His titulis surgunt altera jura Tibi.
Curia Consulto Paphos est, Astræa Dione,
Pro Præatore Venus, Cæsare latus Hymen.
Instituit Te Sponsa Virum, Digestaq; format
Altera, quæ Veneris comprobat ipse puer,
Pandectæ sordent veteres, jam Codice misso
Edit jura Tibi Sponsa novella nova.
At hæc ad tempus. Credo, navabis utriq;
Juri operam, Doctor sic utriusq; clues.

Ita ludit

M. Paulus Philippus Roberus,
ad D. Jacobi Pastor Freib.

Ad Sponsam suam

DN. DOCTOREM-SPONSUM.

Ter-svaves Charites redimitæ tempora fertis
Conjugio dictant prospera fata Tuo,
*Commendant Cajam; nam rara modestia vultus
Hanc ornat. Laus hæc gaudia mille feret.
Gaudia mille feret, Præcellentissime DOCTOR,
Hæc tibi Virgo, nobilitate cluens.*

Ter-svaves Charites, redimitæ tempora fertis,
Hæc Sponsis dictant prospera fata novis.

Interprete

M. NICOLAO GREFIO, Freiberg,
Templi Cathedralis ibid.
ECCLESIASTE.

Ad

MAGNIFICUM SPONSAE PARENTEM.

Prima VIRO JURIS nupsit, NATA Altera nupsit
THEIOLOGO, & JURIS Tertia NATA VIRO:
*Næ Tua per cunctos PROLES sese exeret Orbis,
VIR multum-cunctis-suspiciende, Status!
Verum ut felices Prima & NATA Altera: sic nunc
Tertia felici sidere NUPTA fiet.
Et cum Quarta olim, Jovâ benedicta sequetur,
Ut videas NATOS mille, vel usq; precor*

φρενόςεν

M. Bartholomæus Glaser/
Freibergæ ad S. Petri
Ecclesiastes.

Nil

Nisi nisi vota valent; Hinc SPONSIS pectore totò
Gratum Conjugii comprecator auspiciũ.
Auspiciũ felix, medium, sit clausula felix
Conjugii; crescat WELLERIANA domus!

*Votiva acclamationis causã
appl.*

M. JOHANNES *Frißsche/*
ad S. Nicolai Symmysta.

Dum crepitant alii, Vir Consultissime, Phœbos,
Atq; Caballinis luxuriantur aquis:
Oro, piis precibus det pondus inesse Johova,
WELLERUS fundit quas Pater ipse tibi!

M. Ambrosius *Walburger/*
ad D. Jacobi Symmysta.

NÆ benè THEIOLOGI-DOCTORIS Filia Juris
DOCTORI, faustò fidere, Nupta datur!
Ut, quæ fundamen Sanctæ Pietatis habebat,
Quid Juris, sciret Jure perita, siet.
Felicem Sponsum! SPONSA est sub utròq; decora,
Seu placet alma Sais, seu placet alta Themis.
Sed tamen ex altò Numen fortunet utrumq;
Sit benediãta Sais, sit benediãta Themis!

M. Immanuel *Gerber/*
Past. ad Div. Joh. & Barth.

